

石雲山人詩集

石雲山人詩集卷三

木天詩存

已未

南海吳榮光伯榮

朱石君師翰林院授書卽事詩和韻二首

大雅飛騰五十年餘波門下尙蒸然
用才各有文章境
問字重尋宿昔緣舊學傳巖徵

一德

新恩劉井領羣仙滄南朱鳥方騰影
已被春風煦拂先

師曾官廣

東巡撫

鳳池清暇集夔龍

兼謂繹
堂先生

一代經綸識鉅宗牛喘問春

勞丙吉麟經名世有丁恭明明星宿森中秘濟濟生徒儼上雍此日羣材各羅列憑公爲植後凋松

陶然亭詩同溫質坡前輩

汝廷

及魚溪孝廉

汝科

竹堂典簿

汝遵

作二十韻

選勝來郊墅終朝野轍停水心如客澹山影對人青初旭開晨嫩層陰隔宿冷槐高連夾巷藤古映疎櫺吸露調蟬嘒冲烟起鶴翎僧房通曲徑樵路認前町樹密容開座花繁欲折馨西來嵐作障北列翠爲屏上日維摩室猶聞般若經盛筵江氏會小築澗邊亭荏苒賓朋老

流連翰墨靈歡場如傳舍題壁幾晨星春雨飄簷瓦秋
霜語塔鈴樓曾邀李白鍾亦荷劉伶詩酒憑驅使風流
各典型年芳新柳塢曉暇綠莎廳韋杜城南近謳歌日
下聽偶然求友木爲話故鄉萍後約重陽菊佳辰六葉
蓂

五雲丹鳳滿歸策叩重局

古玉印歌

印凡三一日軍曲一
日貴信一日萬金

漢文之五爲繆篆詘曲填密勢迴轉剖符輯瑞旣無存
尙方小璽誰能辨我聞玉刻最難佳安得鐵筆如切泥

縱使古人有精詣徒然石剝土蝕磨滅埋山谿乃有巋
然質三顆纍纍保勿失宛委奇書白識文恐是昆吾刀
作筆撫手且復疑永昌天祿天子乃以玉爲之胡爲軍
曲亦用玉毋乃官印鑄以私狡狴之鈕血滲滲拂拭光
氣紛靈奇一爲賁信章宣和譜內所未詳一爲萬金小
字印奄有蛟伏兼鸞翔使我佩之祓不祥鬼工神畫百
代相煥發但覺胸中生古香我生好古頓成癖楚弓人
失亦人得苦心不與風霜摧慙想欲爭螻蟻蝕烏飛兔
走此宙宇苔斑蘚翠幾疆域此印偶然而得之邱山華

屋伊誰力偶然得之當我身摩挲相愛思前因我思古人古思我心心相印逾相珍據舷索畫非癡人忽憶良工此鑄就各有晶瑩懸肘後壯士軍行執爰來貴人坐擁連錢富姓名爵秩俱可念卑官華閭誰鐘漏循環聚散二千年看到幾家轉相售乃知凡物皆如斯印兮於我究何爲但與古人惜手澤異日鼠肝蟲臂吾烏知印兮印兮聽我歌我歌且終聊自適嗒然翹首仰長空烟篆雲章渺無迹

和溫竹堂典簿招同鄭建亭舍人

應元

南西門外

看荷花詩四首

漸近芳郊遠市塵城南清隩曉波新問誰許共烟霞約
谷口宜呼鄭子真

水曲山陲野老家長渠真合種荷花朝暉潋灩橫塘路
十里香風護紺霞

淨植亭亭識本來舉芳遙漾水紋開憐他消夏人如玉
同是風前絕點埃

前路迢迢望碧漪寺僧遙指蓼花磯陂塘六月催詩雨
兩岸新涼送客歸

阮芸臺司農師命作鐵笛歌

仙風泠泠吹八關古調入破秋月彎
何來風泉流淙潺蒼龍垂天虹挂山
我欲撫之紛嫋嫋颯然元霜生指間
此笛不取終南竹鏹硎隕墜材碌碌
此笛不入季長賦氣出精列節齊赴恐
是西池九層室雲璈琳琅中之一
請看百煉古純鋼瓜綠萍青豈凡質
雍狐山頭夜氣冲百靈奉炭鬼扇風
鑄成不獨得金氣請看商角徵羽宛
轉相爲宮小聲遠引何淒切孤臣苦心
六月雪忽而激烈大聲起俠士壯懷歌
易水忽而和緩聲安翔萋萋萃

羣集鳳皇前無邱仲後郭張咸陽玉琯長已矣梅花空
說飄含章我聞劉兼道穿雲裂石山中老又聞孫守榮
能以音律推五行夜游張元亦豪士一吹盡使羣盜驚
一吹盡使羣盜驚衆音啾啾不敢鳴滌蕩邪穢天寰清

時川楚將
次告捷

七夕詞

紅藕花殘秋夜短銀漢無聲流不斷迢迢玉漏轉蓮更
恰恰金鷗到芝館芝館新涼夕敞時金盤羅袖女曹兒
試看雙星明耿耿何人不爲感佳期佳期憐曠隔幽恨

經年積道是仙家好別離也須迢遞留今夕今夕粉筵
陳花瓜樣鬪新共知乞巧者別有自憐人自憐花樣無
時價七襄手段誰能假問宵深淺看蟾絲待旦殷勤遲
鵲駕遲遲鵲駕望雲涯密祝生嫌小妹偕風痕翠幔鴛
鴦瓦露氣湘裙蟋蟀堦風痕露氣中宵好整線穿鍼何
所禱玉管須描稱意花錦機待刺宜男草花花草草羨
連枝曾憶長生殿裏詞願得青雲同比翼不教紅豆種
相思相思渺渺河梁別待織璇璣詩未綴爲問天孫良
會難可將卍字同心結欲將卍字結同心燭影屏風夜

氣深今宵悵望天涯客定作他鄉思婦吟

送趙肖巖師歸里

師名良爵

槐市西風別緒侵就閒從此入林深

君恩早遂懸車志

師留別詩有歸休亦荷大君恩之句

臣節常懷匪石

心蘭檢舊傳知

誥手荷衣新製復初吟陵陽祠畔琴高水好鑒他年烟月襟

孝子行

此章于舊笈檢存姓氏失記

父兮兒怙母兮兒恃父樂兒歌母樂兒喜此日不再得

父兮已矣一 父兮兒背母兮兒行兒行母之命但父喪
母老藐藐歎餘生二 拜母出門淚不敢揮松邱霜苦萱
背日微父死幾何母病在幃中夜心動駕言遄歸三 父
兮俱存蘭陔養潔母兮尙存草心念切痛兒母之亦逝
兮聲盡而血然掌搯心扶頭一訣四 兒手父書沈憂將
老兒身母衣幾年遠道杳杳慈顏悠悠蒼昊哀此兒心
骨柴鬢稿五 乃卜宅兆封樹蒼蒼雨陰禪窟淚浸鹹鄉
昔日鳩集今日烏傷所謂伊人雲羅山之陽六

彙二十韻同鄭季遙

應翰

溫竹堂魚溪席上作

明月滿空階霜螯試新味詩心比宵長客懷欣夜未座
中正投轄門外喧得彙用竹攢之來其刺峩然蔚平生
頗未見一見矇所謂彪彪性既蠢忽贛質豈貴虵口張
戒規貂腹轉怫悵鼠頭體已羸貓睛視如費足短難睇
睽沿行若山蜚毛磔縮作團叢鍼不可擬白者何蓬蓬
黑者何黶黶彪彪堪類辨彪彪差髣髴我聞滇池山吟
蹕竄烟丹又聞金蠶訟用女作捕尉名菜亦大奇比鋒
吁可愾遇鵲鵲能食制虎虎乃畏怒傳將軍鬚餐醒何
人冒陋彼輟散形衆語互羹沸安得紫龍髯揮去中方

慰振衣聽鶴鳴一聲清露氣

明日復作仍用五味禁復前韻

吾更爲彙言勿厭多辭費爾形不足觀爾毛不足衣爾
聲胡如孩爾息又如獺么么竄荒坪出出隱叢蕪觸去
卽瑣醢挑來疑縕臍縮者窩牛行怒者觥羊殺笑茲同
小儼幸猶非猛狒含刺欲傷人其外蠢然氣不見達漸
鴻爲儀耀羣翳不見雲從龍爲霖占廣漑譬夫嘉肴膾
方可登饔飩縱使壯文采亦豈防魯爵迂哉莊叟言不
材故壽氣造化奚女爲劣惡物已旣用莫貴盤餐賈甯

入市暨遁地傳靈符得財或家機平生物不嗔對此也
詆誹志怪無齊諧作圖須趙芾屬筆書瑣碎詩成貽邢
魏我思古良臣熊羆起莘渭

題楊守默丈采菊圖

西風悄吹四山瘦蒼然曲徑秋苔覆路入千花霜影明
滿身濕翠風痕透先生早高林下身幽芳落落存吾真
有花有酒直須醉便作東籬采菊人是日籬邊報重九
恰見撫松移石後此中真意澹忘言曉露涼風香在手
欲識懷人晚節芳折馨只合寄柴桑閒雲飛鳥看無盡

散策南山又夕陽

飲溫篲坡洗馬寓中歸步中庭月色如晝口占四
首

玉宇迢迢夜氣澄桂花冷露滴無聲京華多少緇塵地
贏得秋光此夕清

萬籟俱空只獨吟月光如水復如心何當乞得吳仙筆
寫韻鸞岡第幾岑

迢遞人兮千里思新波殘葉夜深時一聲霜雁天長碧
譜入銀牀瑤瑟詩

中宵人靜恰當樓清影疎簾別有秋想到詩情高絕處
置身除是玉峯頭

九月初八夜坐雨

蕭然寒氣漸侵凌坐雨宵窓別緒增襍被乍長今夕夢
草堂重憶去年燈一秋廓落懷兄弟滿地關山感友朋
便擬登高望鄉國遠峯明日碧峻嶒

得家書

遠宦非吾志清俸慚虛糜一出盡華簪自惟恐非宜功
名良不薄庭闈日已離昨接南中書平安慰我私忽憶

母先背已八年于茲其時妻與子溘然亦同悲前年我
仲歿如失左手持叔也十一齡亦解吟靡依往往慰寥
寂趨庭同學詩一自執手別各在天之涯遠念生我恩
定省經年虧更念老祖母皤皤雙鬢絲顏色俱健在夜
夜夢見之去年公車北曾致中饋詞勤心戒馨潔好自
承懽怡須爲勿怠婦敬念遠游兒悠悠此一心常恐光
陰移庶幾

聖恩深田里許暫歸登高望南天渺杳白雲飛

懷歸

豈有文章動掖垣半年空自戀

君恩青山未負慈親土白日難招愛弟魂一紙鄉書懷
遠道孤舟秋興又黃昏天涯多少梧桐淚夜夜殘燈夢
故園

書董宗伯小楷法華經後二首

用筆居然似劃沙鷗波以後得名家黃庭樂毅欺人語
功力平生在韭花

誰向絲闌問瓣香蘭亭遺法益茫茫欲知書味皆禪味
看到曇雲一片光

同懷弟彌光樸園編輯

子尙忠春卿

尙志任卿校字

石雲山人詩集卷三止

石雲山人詩集卷四

歸省第一集

己未庚申

南海吳榮光伯榮

出都留別四首

鳩鵲謀棲在掖垣
疎燈人對酒盈尊
雲歸粵嶠懷親舍
風到蓬山感

主恩豈有文章占
遇合早憑師友勗
晨昏玉珂金鑰餘
今夕尙傍層霄月
一痕

曾憶門前許問奇
每親風雅益多師
從公秘省歸常晚

坐我春臺暖不知

教習石君繹
堂兩先生

九采鳳麟方日近

劉雲
房文

布雲山人集卷四

芝厓兩先生

五雲麾節又天涯

阮芸臺潘芝軒家鑒菴三先生先後持節出京餘波

如許飛騰接各爲清時愛羽儀

記從何日備奚囊載酒看花各異鄉

溫篋坡洗馬龍春巖編修鄭建亭中

書及竹堂季遙諸君子

題遍青山秋未老吟殘明月夜方長漏沈

銀箭天如水門掩金缸地有霜前夕詩心今別緒令人

無賴說清狂

半載春明鷺蟀更古歡今雨話交情感深桐幾搜羅苦

余曾受知于蔡生甫先生

挹徧蘭芬意氣平

姚秋農文田家美存其彥張棠村業南李石泉

可復

他日會尋談麈約卽今無那唱驪聲烏絲小桁銀

光紙記取泥鴻爪已盈

廣安門口號四首

小別清華侍從班驅車回首望郊關

國恩如海何曾報敢爲田園便就閒

白雲無盡是南天兩岸垂楊緩一鞭
簡點行囊清俸在暫容芭榻賦言旋

暖風釀雪夕陽時剩得旗亭別後思
一卷故人詩筆最

青山紅葉讀新詞

時攜各友
送行詩冊

滿目烟痕山幾重桑乾橋畔水淙淙
七千里外尋詩路

爲問霜林染淡濃

長新店十月十五夜作

滿地霜痕人未眠殘燈孤店乍寒天十分詩思隨風緊
一片鄉心對月圓碧漢懸名欣有託綠雲吹影正無邊
故園今夕長安憶唱到刀環又可憐

狂言口號

萬里破長風一擊見瀛海人生須作雲達鴻但欲高飛
卽振采人生須作天池鷗安能跼蹐守株待京華三月
紅杏紅六街躑躅浮雲驄好折便折當春融早達勝晚

遇李白言非空迴翔已到蓬萊宮蓬萊今年曾小住衆
仙教詠霓裳句玉珂甫備清華班金勒暫歸鄉國路路
人相問未經年楊柳時來雪裏旋蒼莽舊阡陌歷祿新
雲烟碧紗何必籠詩壁清俸于今有酒錢忽思中秘
恩如煦培英藹吉多仙侶試問古來不負科名人出山
何以答

當宁況今有事西南征行挽天河洗甲兵文臣載筆武
臣請纓滌瑕蕩穢鏡

至清大材小材和聲鳴我厠其間如譽諱亦思有以宏

漢京請語故園衆君子不因溫飽負平生

晨發德州

匹馬向青齊霜寒月乍低樹飛三匝鵲門掩一聲雞蒼
岱長天影黃河大道隄京華將日遠回首玉堂西

過東阿楚霸王墓二首

破甑沉船不世功烏江歲晏送英雄八年霸楚真無敵
三戶亡秦竟不終垓下歌誰圍四面關中約早背重瞳

君王天下原難定

用范增語

豈在鴻門擊沛公

斬將搴旗已創身窮途叱咤氣如新大王頭自遺司馬

小草魂終怨美人
早日仍堪招布越
至今空使等吳陳
穀城坏土初封地
猶有英風怒水濱

過孟廟

前望二千秋煌煌俎豆留
泰山真絕峻泗水接長流
吾道齊梁老生民楊墨憂
四隣舊桑梓猶自說居鄒

兗州雜詩十四首

百里長隄柳葉衰
日歸疲馬苦霜時
沿途只欲搜奇字
十七章留魯廟碑

古栢蒼蒼孟母隣
嶧山終古見嶙峋
數椽茅屋篝燈夕

石曼卿集卷四
猶有機前課子人

日暮天長轍未停歲華將晏憶趨庭雲根欲乞尼山石

好染霜毫寫孝經

尼山石可作硯材

汶水東流古道邊高風迢遞憶當年中都恰有殘碑在
出處應煩論聖賢

緜蕞空餘荒草叢朝儀粗定叔孫通九賓臚句九行酒
亦使人知漢制隆

沿溝邨外長菰蘆疏廣辭官故里蕪好是客心清絕夜
野橋流水月輪孤

井田遺地古碑存野水分流又一村恰是東皋農事旣
勝侯高廟對平原

沿畦剛發綠千層欲問春來二麥登版屋人烟初起處
一天殘照過鄒滕

東灘水涸見沙隄虹腹橋邊燕尾溪十里人家黃葉路
遍山風雪賣香梨

隻輪雙手勝犀牛推得麟麟汗欲流願借今朝風力駛
一驅車早到徐州

酒帘山郭記垂楊昨夜官橋又報霜趕集人歸村路遠

石曼卿集卷四
一篝燈火煮黃梁

販綢客日到茅檐
朱綠元黃稱手織
三日繭絲成五匹
者回應免大人嫌

南沙河對北沙長
兩岼人呼餅餌香
昨日邨頭新麥地
曉風晨露縱牛羊

驛館懷人歲欲殘
馬蹄鄉夢總無端
相親風俗天涯別
特費詩心寫素紈

望泰山

衆鳥不敢度羣青天
以東容容雲在下
朗朗日懸空萬

壑寒相凜千山氣本通何當攜綠綺絕頂有松風

徐州五首

有客彭城道言登戲馬臺笛聲日暮起泗水流餘哀落
落千秋事茫茫異代才可憐拔山力霸楚亦雄哉

牛馬耕耰地龍蛇戰鬥場片雲王豐沛一劍奮芒碭隆
準真天授重瞳祇自亡到今大風起蒼莽帝王鄉
石佛井無水雲龍山有風陶謙幾碣毀呂布白門空舊
迹淪秋草斜陽叫斷鴻荆巖還有璞荷鍤問嵒隴

彭祖樓頭望蒼然壯士懷劉朱成底事烽火感長淮白

日鬼雄泣青山戰骨埋舊時形勝地古姓聚川崖

峯到九嶷峻洪仍百步流使君懷白首詩事盛黃樓

用蘇

子瞻送鄭戶曹詩

種柳亭何在攜花地最幽江山一杯酒磊落

話徐州

靈壁道中作三首

風急晝冥冥寒雲凍絕陁霜凋千木落松轉一林青獨

鳥飲荒澗羣騾散野垌長天謀客舍最遠有旗亭

草枯盤馬地風緊射鵬天識字男兒事關弓少壯年有生皆許國無用學耕田信美前邨酒從吾醉十千

自笑長途客孤燈旅店時雞聲留剩夢驢背續殘詩憶
弟雲偏遠思親日未移朔風吹歲暮歸計尙天涯

聞靈壁東四十里爲垓下虞姬墓在焉訪之不得

晚宿店中壁上有仿黃筌畫美人草

垓下歌殘日嗟虞尙有墩

土人謂虞姬墓爲嗟虞墩

夕陽芳草地新

月美人魂我欲訪之去孤山空晚邨可憐黃叔要餘淚
濕花痕

騾夫行

出站四更入站三更長夜漫漫迷陽傷吾行殘月欲沒

天不明 一山行幾里湖行幾里前有高坡後有水四面
黑風吹兩耳嚴霜著人欲墮指 二左之左之騾陷在沙
右之右之騾陷在涯騾起逐其羣手勒不住長咨嗟 三
萋萋草黃哀哀樹槁昨日水冰今日水潦嘆依騾之爲
命兮騾死騾老 四險莫險兮幽并遠莫遠兮蠻荆日暮
天長傷我征傷我征鈴鐸蕭蕭騾夜鳴盡是征人辛苦
聲 五

望天柱山

衆山皆在下一柱到天門峻絕爲衡副居然似岳尊蛟

龍疑起伏雲霧自朝昏安得凌風上巖巉手徧捫

由梅心驛至北峽關二首

一徑闌蹊間林香四面環斷雲迷古驛微雨看青山地
儘烟霞僻天容草木閒誅茅徒有約回首尙塵寰
雲滿四山靜風吹羣岫連鐘聲何處出絕壑有寒烟寂
寞梧桐老淒涼橘柚鮮前村黃葉路一望又平田

行路難七首北峽關作

有序

十一月十二日抵北峽關連宵阻雨僕瘁馬瘖
孤寂客心淒涼往事因憶去年公車北赴辛苦

備嘗酒後屈指計之幾于拔劍欲起遂卽道中
所歷者作行路難七首要以極盡形容故語不
避俗所謂痛定思痛險過思險者乎抵家日當
與去年計偕諸君子商之

十千美酒新豐市醉之萬觥拔劍起冷雨濕雲夜漫漫
請君聽歌行路難有客昔來自百粵道阻且長屢顛蹶
天涯何處不艱辛但須仰空呼咄咄吁嗟乎黃雞白酒
自佳耳何用屑屑勞皮骨

三千里外至常玉風霜撲眼形如鵠急解行裝試薰浴

便令買舟常山曲舟人昂價如張翬大舟小舟不約同
欲渡無舟將奈公吁嗟乎丈夫一擲千金等閒事安能
容汝機關中

四山風雪商家林泥淖車轍三尺深驅之欲覆驚人心
朝覆尚可晚覆頭破膽欲墜地魂掀簸長天凍絕無烟
火中有人兮車上餓欲行不行馬耽耽舉鞭逐之深淖
淖一鞭再鞭掀不出力盡身死雙淚含吁嗟乎物猶如
此人何堪

長途尙有五百里馬乎奈何爾先死死馬之奴索上襄

有馬之奴索加糧羣奴對面爲盜賊袒坐怨詈聲皇皇
憤然告官鳴詐訟官乘在門官出門吁嗟乎人生自非
父與母誰肯窮途援爾手

罄囊僅買青疲騾騾兮騾兮如命何兩手扶之駕轅起
一日十覆冰坑多夜宿茅店河之涘騾奴牽羣託飲水
一逃如飛已百里奔告汎營弭兩耳徑欲訴官傍人止
君不見前日訴官官何如終夜拍案徒歛噓

一奴已走衆奴罵欲遣駕車車不駕腳踏層冰去謁官
十五里外是城垣官兮何乃多出門闥人高坐如官尊

云此么麼事誰能爲爾煩我言騾奴多逋負若能捕之
皆女有大閹乃喜拱手言小閹討籤出門走快矣哉小
閹討籤出門走

男兒生不宜窮賤奴輩欺人炎涼變非惟奴輩炎涼變
胡爲風塵多蒙寒士面天公怪汝不振作故使橫逆相
磨鍊我生橫逆久能安安能了了求其端安能了了求
其端請君勿歌行路難行路難摧心肝

至黃州食魚筍甚佳用東坡初到黃州詩長江繞
郭知魚美好竹連山覺筍香二句爲韻作小詩

布雲山人集卷四

十四首

我過齊安郡依然爲口忙連邨風物好林外一溪長
朝渡清溪曲磷磷白石缸羨他垂釣客一尾起晴江
清霜江水寒紅日江天曉徑欲泛魚舫夷猶江岸繞
岸拍水痕枯山空雪花落故園應膾殘昨夢羊城郭
酒老黃花晚霜多白茶遲此中佳贈手外地少人知
不必沽三白何須配七菹盤餐錦鱗細誰謂食無魚
打魚鄂渚深烹魚潯水泚一望碧琅玕風日清且美
四山風雪妍一徑烟霞老昨夜翠筠林離離頭角好

解籜霜痕清脫。綳烟影簇深林。正晚晴。咒汝莫成竹。
下有青玉浦。上有綠雲天。夕鳥歸林後。殘霞斷。復連。
向夕叢篁裏。何人煮筍。還月色出幽澗。溪聲多亂山。
日日種龍孫。朝朝餐犢角。此中山水緣。已被勞人覺。
嘯軒在何處。未使風流盡。到今好事人。猶說東坡筍。
東坡躬耕地。山水何蒼茫。徑欲尋柯林。新詩問辦香。

望廬山

一縷心超最上頭。此間容我抱雲不遠公。山色無邊秀
總老。溪聲自在流。汨沒龍潭晴雪滿。蒼茫龜背夕陽收。

九千白石山房卷散落人間又幾秋

東西林往迹皆湮嘆

我生固多感俯仰但塵迹每將後人心遙爲古人惜茲
行過匡廬偶訪東林釋遠公本詩人蒼然見山色月影
覺心圓林香禪趣寂一劫千年餘到今幾杖舄虎溪勺
之多蒙茸衆草積前爲三笑堂飢饉竄窓隙數楹白蓮
社清風自日夕花開水一溪花謝水一尺何年聞鐘聲
落落有松石左偃唐代碑欲問衆不識遠公乃靜坐塵
寰悟消息再尋永慧寺寺亦非疇昔老衲爲我言斯地

久荒僻所云廬山面原不在山北南上慶雲峯萬杉各
森特東上開先寺雙瀑浩奔激三峽澹秋心五老宜春
屐謝公行處苔去茲里數百君乎未倦游請更散輕策
我聞卅六宗後此二林關山從名士高地以世情易無
暇往探新但嗟此地擲詩成一回頭惟見寒雲碧

白蓮社

潘陸啟晉風雄長數十年永嘉尙清虛韻語漸入元泊
乎義羲中餘習猶未遷詩人多禪悅僧社開白蓮東林
誰主席惠遠爲之先其詩清且奧再讀方洒然奇情觸

右雲山人集卷四

七

險石曲窅導清泉所喜獨抒性不襲圓覺篇我聞陶靖
節耽酒難隨緣又聞謝康樂心雜亦逃禪二公足千古
胡乃因茇茇豈其淨土修所貴忘拘牽至今問陶謝何
愧廬山賢

十一月廿四日登滕王閣有懷去年計偕諸子

水落霞飛指顧邊此身迢遞對長天江山識我如前日
風雨懷人又一年峽蝶畫圖悲往事驂騑文字憶當筵
憑闌狂興依然在欲溯烟波渺渺川

江橋月夜四首

盡息勞生念今宵月界澄身疑金粟影心對玉壺冰我
欲凌空去雲中第幾層瓊樓高不極手挽素娥登
桂樹不眠倚廣寒如夢游霓裳多美女鸞扇話前秋皎
皎中天好茫茫大地浮下方孤鶴唳縹緲徹雲不
當頭只此境何處有吾詩詩在前邨路人剛對水湄青
山高笏笏碧浪接瀾瀾一照誰今古流連欲問之
休嗟幾時有卽此是良宵水印干潭淨天痕一線遙鐘
聲來隔岸檐語報新潮後夜重回首大江橫一橋

泊河洛邨

新會縣地

石雲山人集 卷四
拍嶼東風入暖初迢迢天宇夜星踈過溪櫓語孤篷火
臨水書聲獨樹廬春意有無剛客夕月痕深淺又離居
白沙一曲人何在欲溯江門問老漁

白沙有明陳文恭公故居

同懷弟彌光樸園編輯

子尙忠春卿

尙志任卿

石雲山人詩集卷四止

石雲山人詩集卷五

觀象研齋集

辛酉壬戌癸亥甲子乙丑

有序

南海吳榮光伯榮

余自嘉慶己未選庶吉士辛酉散館授編修乙丑三月改御史至己巳前後共十年所爲詩多流連景物贈答友朋之作隨手散佚概不欲存己巳視漕津門罷秩回京檢閱舊簾所存不過十之一二就殘斷篇柬中錄得若干首分初入詞館所作爲木天詩存于前又分爲御史時所作爲西臺詩存于後而以授編修以後四年之

作存此一卷以嘉慶甲子曾蒙

恩賜仿

唐觀象研敬以研名齋以齋名集云爾

今夕西窓雨同竹堂作

今夕西窓雨新歡話故園兩人燈十載三月酒雙樽駿
骨來燕貴鴻文入洛尊京華盛桃李天末有荃蓀羊石
花爲埭龍山竹作軒春游多放艇詩夢或連村尺鯉勞
箋素飛鴻認墨痕迢迢江海濶莫莫水雲昏玉署鐘初
動銅壺漏幾番七千餘里外相憶掩重門

涼鷹臺

天籠四野曙雲開
曾記霜鷹掠峻臺
野走山飛千隊起
風毛雨血萬林摧
仁虞昔建何年院
蕭鬼今看

聖代才此是

軒轅教戰地
長楊欲賦重徘徊

日本刀歌和朱石君夫子元韻

以水劃雲雲竟歸
歸來慄慄瓊花飛
冷光直透白日動
漫空匹練翻霜旂
是時寶刀方出匣
黑焱巨浪餘稜威
吾師據案濡大筆
豪氣挾以言泉霏
霍然病已攬衣起
徑欲步斗平戎機
又言拔之西南去
摧彼聚螳拖封豨

我歌拂鞘呼周麾仰視天象從瑤璣一揮再揮雷電走
豪芒所燭羣妖靡還看化作日五色和風清晝無揚微
刀兮敢告錦囊貯珍重拭以鵝膏肥

石髮菜

南方品卉繁澗沼衆芳積草芳入騷才水潔流詞液客
從漢口來言采溪毛碧共訝鬢如雲乃是髮垂石我聞
此佳名據案起前席何年粉膩香留此蒙茸迹豈其洞
庭女明妝誇婉嬾鴉鬟新綰工蟬鬢餘香擲又想洛濱
人栽髻感甄夕長懷光可鑒願在前爲澤雨膏十日餘

月鏡終宵闕櫛以霧千絲梳惟風一尺芙蓉沐初乾菱
線紛以繹或如新上頭重類初覆額雅無郭璞箋狀少
稽含釋加餐佐菊英折馨供蘭藉美人易遲暮對此良
自惜微波憶曉蒼墜露驚秋白蒲柳在何許蒹葭遠潮
沙努力雙鬢青流光如過客

苦雨漫興四首

辛酉六月

蜨動雷聲殷魚占水氣腥天心方涖洞民處已伶俜滿
目呼庚癸何人禁丙丁兩旬猶未厭哀告雨師靈

見說西南道茫茫飄泊中慘兮皆赤子忍矣問蒼穹月

澹千家哭魂歸一水空
昨宵土山頂淒絕有孤窮

大地臚

恩詔陽和轉昊乾
國輸天庾粟官發水衡錢
蠲賦抒民困祈晴告祀虔

聖人飢溺念最切及秋田

轉嘆吾居陋淋漓地有漿
蝸多堂上踞蛙穩竈中藏
斷壁頑莎綠頽檐老菌黃
猶能勝露處妻子一匡牀

溫貧坡侍讀攜雪軒玩月分韻得年字

涼風霽晚氣微雲澹遙天
開軒召嘉客素月流芳筵
俯

視大地浮仰視衆星躔玉宇浩無際羣籟鳴林巔快哉
清夜游寓目理自全湛若性分明邈然區中緣悟此沈
潛義咏茲窈窕篇豈無浮海槎適意皆飛仙豈無曲江
濤放眼皆長川異鄉敦古歡行樂俱盛年綺疏霜影寒
清尊露華鮮愜遇欣所託寄暢景屢延抽毫紀宵宴長
歌慚仲宣

吳塘

綠水圍靈兆青山感劫塵祠堂參古柏碑版照貞筠作
者文無愧君家德在人吳塘山幾里歲歲野花春

月

朗宇無塵地軒開月正懸玉壺空渾渾金粟自娟娟一
碧涵千里雙清對遠天性須明鏡澈心悟慧珠圓斫桂
何曾幻浮查竟得仙三秋游似昨八萬戶相連我欲乘
風去因之載石旋羽衣招素女杯酒對青蓮回視雲容
淨微飄露氣鮮揮毫語嘉客不必咏陳篇

甘泉瓦歌

春風泠泠墨花香瘦蛟起舞癡虬藏開筵詫客持片瓦
袖中忽放璆琳光客歌未已主人起呼酒四座談慨慷

此瓦有識非建章此瓦有文殊未央傳聞漢宮一百四
十五甘泉之館雄雪陽撫瀝淵蜎駕虹梁玉英襃渡升
羶薌通天東望高繹繹雲雨太半溶方程倥傯不至少
翁去露盤仙掌空瓊漿秋風西來吹移楊金人一淚成
滄桑可憐珠繡甲帳徒輝煌繁華銷歇埋邱岡此瓦遙
遙二千載閱盡塵世嗟蒼茫一朝忽入市賈手使我見
之驚欲狂長生未央列一角妙篆非李尤非王黜光半
入江雨碧膩理全碾岑苔黃攜歸什襲用作硯覆以古
錦儲青箱龍賓守夜宛不動鼠婦伏壁盱相望我生好

古漫搜剔東走齊魯南淮揚關里碑版漢文歸泰山石
刻秦篆亡去年三得古玉印古文奇字充行囊今朝對
此更珍秘高安宗正奚足方茂陵往事紛勿論引滿但
酌春頭觴摩挲銘題三嘆息俾我壽考何不臧吁嗟乎
俾我壽考何不臧但願長爲子孫守文園耒耜勿使嬉
而荒

題陳雲伯孝廉

文述

羅浮仙夢圖

陳郎秀穎好風格愛劖青苔煮白石仙才會作碧城游
清淺蓬萊塵世隔

雲伯有碧城仙夢圖

去年都下各言歸錦衣徑

向月宮飛嫦娥嬌艷招手去四百峰前繁雪霏是時我
正返南粵故山冷落烟霞窟喜君騎鳳悄飛來看看羅
浮清夜月仙風半夜吹泠泠石室七十花香冥寒梅萬
株倚山笑斷橋流水何年經獨立一聲孤鶴弄滿身疎
雪時飄送回頭春色忽空濛香霧四山雲不凍美人如
花來山巔手拂素袖開芳筵風鬟霧鬢含睇前福庭銀
作地古洞玉爲天此酒不醉空華年迢迢幽絕羣仙境
花兮人兮良夜靜前身明月記來無玉女峯頭認香影
玉簫一闋碧雲收花當水面月當樓翠羽參橫驚別怨

紅牋三萬寫春愁，夢魂忽落七千里。雙山離合非耶是，
遠望天南有故人。飲盡葛洪丹井水，謂伊墨卿秉綬惠州何當偕
子便歸來。冲虛之觀呀然開，天門詖蕩望不極。御風而
去真悠哉，朝雲湧珠樹。夕露浮金盃，君乎此地難再不
可回。請與君盟山下梅，他年爲卜羅浮住。尙有真人花
首臺。

古玉蟬歌

昆刀碎花截鸞肪，虹氣繞指寒練光。鬼工神斧無造化，
容爾風露之質出世輝。貂璫高冠左珥者，誰子侍中丰

采母乃山公是幸則揚君子風不幸則入小人市玉魚
金盃亦徒然蠅頭蝸角皆如此賈人探袖來神奇滿堂
呼看相嗟咨黑者純漆黃蒸栗土花紋細繚紉之聞君
好我自雕飾望古不見空爾爲我歌可乎起前席院宇
無聲一樹碧殘燈孤館寄秋心片月小窓涵古色痾癯
林中烟水枯前身應認柳爲都人間閱盡千餘載還把
春秋問蟋蟀

病夫五首

苔徑森森久杜門病夫扶杖欲黃昏身如雛鶴依林立

心似春蠶帶火溫花謝又孤游客騎竹寒空話故人尊
連朝小字欹斜答都作維摩示病言

威加炙手嘆歔風風火輪催轉側中藤簟日長雙腳赤
筠簾夜靜一燈紅詩非子美偏能瘦文豈昌黎竟得窮
到底此身何所着起來搔首問天公

屈指鄉音四月前謁來迢遞隔南天病中屢祝嚴親健
夢裏長邀大母憐搜篋客驚秋幾日擁衾人對夜如年
連番拔得金釵盡不是酤錢是藥錢

對客扶頭弱不禁相看都訝邑中黔塵根慧業三生淺

朝露晨星百感深厚地誰栽無患樹高天容有退飛禽
時以病在告從今讀遍嵇康論但作良田漑此心

風雨連天暑氣消小牕支坐話無聊託鵲爲命無三畝
彈鋏思歸匪一朝多病正侵強健日不才恐負

聖明朝故山尙有頑仙宅碧月青松久見招

病起答鮑覺生編修

桂星

每日扶筇到野塘病夫衫影怯新涼鳴蟬一木饒清蔭
歸鳥千林又夕陽雪藕時看并剪快露茶初泛定甌香
此身閑處眞吾福閣外雞蟲早已忘

送王韓城相國歸里二首

黃封稠疊日頒臨得請韋賢拜

玉音

天眷從容留鼎鉉臣衷宛轉念山林頻趨玉杖花扶影
早歷金門水似心他日度支清俸至白頭重話

主恩深

一代身名百福賒潼關春滿相公回青箱袞繡添

新渥綠野園林認舊栽鳳返丹山甯遠引鶴飛珠樹定
重來懸知戀

關心如結長夢東華曙色催

投壺和芝軒師韻

休沐辛盤啟消寒甲帳新洽歡呈絕伎寄暢在游神兕
爵初傳坐覺壺喜序賓有儀心審固無斃志溫純黨立
方狸奏班聯盡鷺振共誇穿戟手仍訝射瓶身禮告三
辭後賢方九算掄籌先抽一一中早祝頻頻旨酒淮渾
有嘉詞曾薛陳疊雙都應節掇累竟超倫入定觀心似
虛中注目親激來全到口撓處或當脣隔幃奇觀合飛
竿妙境臻隼投風並急兔發路能遵畫鵠看偏異青龍

賭豈真自慚觥未洗屢負矢維均玉女奩何處溫公格
勉循西崑揮翰日南鎮雅歌晨問禮篇能憶裁詩紙共
伸笑他鈎覆戲韻事說宜春

蔡節母詩

節母姓曹氏湖南人

明月照湘湖水深石齒齒上有白頭姑下有四歲子髭
彼維我髦煢煢靡他矢靡他良不難益中儲已矣昨日
一尺布今日一金糜姑飽兒不寒未亡甘忍饑上呼滄
浪天我辰安可期空庭白露下軋軋鳴機杼三日五匹
成停梭淚如雨念彼泉下人何時一杯土抽莽北山厓

采菊南山頭，施草豈不傷。鞠華亦有秋，否泰天之道。所貴乃自修，作詩紀苦節，以勵中河舟。

題濮子耕

士銓

帶月荷鋤圖集陶

才華不隱世

與殷晉安別

棲遲固多娛

九日閒居

如何捨此去

起假

還江陵

薏與園田疎

始作鎮軍參軍

高舉尋吾契

桃花源

心念山澤

居

始作鎮軍參軍

山澤久見招

和劉柴桑

逝將理舟輿

贈羊長史

息交游

閑業

和郭主簿

投冠旋舊墟

赴假江陵

菽稷隨時藝

桃花源

草木縱

橫舒

擬古

今日天氣佳

諸人共游周墓柏下

新疇復應畬

和劉柴桑

力耕

不吾欺

移居

時還讀我書

讀山海經

農務各自歸

移居

挈杖還西

廬

和劉柴桑

素月出東嶺

雜詩

好風與之俱

讀山海經

漉我新熟酒

歸田園

摘我園中蔬

讀山海經

卽事如已高

和戴主簿

過此奚所須

和劉柴桑

所樂非窮通

詠貧士

此語真不虛

歸田園

王貞女詩

貞女黃岡人邱汝嚶聘室年十七邱療病死未

訃女先知之歸邱家守節事姑三載而沒

菱花瑩瑩懸清秋古井照人波不流白芙蓉病紅蘭愁

貞女明妝倚空樓茂陵肺渴詞客死形影昨宵來夢裏

黃姑織女未相逢孔雀西飛海燕東八門只識阿母面

再拜靈幃淚連霰初七下九莫教忘阿母始衰姑扶牀
三日洗手作羹湯瓜蒂抱苦葵根傷涼颺綺牕動寒綠
幾度停鍼背人哭一匹新縑五丈繡靡蕪敗秋手爪枯
悽霜慘日忽三載藥砧笑向黃泉待高山有崖木有枝
兔絲女蘿不相離忉利仙宮夜如水春風始合花連理
回頭忽見碧雲開月明環珮珊珊來

和潘芝軒師銷寒六首

花檻藏春

得深字

斗室氤氲香靄沈都忘檻外曉寒侵窺來皓月夜將午

散到紅雲春欲深八面瓊筵開雅坐三更銀燭照繁陰
陽和幹運皆人力願祝他年變理心

竹爐煮茗

得聲字

幾度瓶笙到耳鳴松風魚眼竹爐聲雪花初沸重簾靜
烟篆微颺一榻清汲黯丰裁終苦硬蔡襄論錄亦專精
龍團聞有頭綱

賜瀛島春來望

幸情

時有明春
幸院之旨

園爐飲酒

得寒字

雪花如絮逼牕寒重幄圍爐簇玉盤詩客光陰半黃麪
酒人風味憶朱欒一杯孰與身名貴四坐從知禮數寬
射覆藏鈎并夜醉莫教中聖笑郎官

陳厚甫鍾麟
農部在坐

雅歌投壺

得籤字

不睹青龍玉女奩雅歌聲恰應洪纖是誰多灌楹前爵
笑我如投石上籤綺席雍容初節鼓金尊漱灑正垂簾
明朝欲作千言賦却怪邯鄲信手拈

雪裏遺書

得佳字

尺素山陰寫雅懷快晴遙想候清佳人歸放鶴峯逾峻

書到籠鷺水有涯八法淋漓看筆陣六花飛灑證蕭齋

大癡畫品吳興字

時觀黃大癡快雪時晴圖
趙吳興臨快雪帖合卷

未減吾家

九里牌

梅間索句

得香字

東閣吟過幾度香又添驢背好詩囊夢隨古月三更白
愁在空山數點蒼昨夜林間多翠羽前身天上定霓裳
春風十里浮山路回首佳游話故鄉

階植芍藥三載始見一花東溫少彭舍人

汝述

花事連番過鼠姑殿芳剛報玉盤盂重欄密葉將三載

倚露含風恰一株豈向主人懷挹漑莫供游女贈洵訃
多情爲爾留春色欲乞黃筌粉本圖

少彭善
寫生

同潘芝軒師陶然亭詩二首

夜雨濕空翠朝曦散宿陰鳥啼三徑碧人立百花深嵐
氣空亭合林香曲檻侵佳游陪杖履欲叩雉梁心
瘦石垂千髮修篁迸萬簪看經翻貝葉試茗到藤陰詩
思清暉澹衫痕綠影深更添佳客坐盡日好長吟

五月六日作

滿院雲光澹午天數來清漏已如年身藏朝市何須隱

官不風塵卽是仙短睡可能同鳥夢長吟底欲問花緣
今朝一事關懷甚

聖主方籌待澤田

目病戲成四韻

誰解金篦一刮能盈盈雲蔚又霞蒸豈緣鏡欲留花住
安得潭當印月澄蚊睫巢寬眞沕漠牛毛字細總曹騰
觀心可有光如炬想到虛靈感不勝

甲子京兆闈分校追和王衷白先生韻

列坐風雲氣又深明明衾影鬼神臨淚眶何處無荆璞

焦尾終期問嶧林
葵荏蘭蓀誰審別
蛟龍魚鮪感升沉
聚奎堂外如珪月
願照孤寒此夕心

和劉誠齋中書

錫五

闡中郎事韻

甲紀興賢及此辰
午門承

詔聽重申關心立鵠
誰添燭妙手連鰲各釣綸
衣鉢十年同選佛

副考莫實齋太僕晉爲君甲寅所得士

文章千古豈通神
斲輪

慚愧新硎發十八
吾科有八人

題蔡浣霞儀部

鑾楊

烟雨倚樓圖

君思雲山色余亦憶江城
嶺嶠千重隔烟波一笛聲
越

雲常作雨米樹不能晴恰倚樓頭望雙帆客遠征

題放鶴圖

歸雲去不極落日起松濤海濶三山麗天空一羽高瑤
臺渺何許珠樹偶翔翺試倚迴風聽仙音在九皋

雪中鸞枝花飲溫篲坡洗馬席上作

一顧驚鸞下錦幃瑞雲牕外正繁飛紫簫月澹催香暖
寶鏡雲深護萼輝夜色定疑看翠羽春光先已到斑衣
洗馬奉母就養故園此夕歌棠棣尙有天涯客未歸

送陳恭甫編修

壽祺

歸省後遊粵二首

日夜大江流江聲欲暮秋思親同遠道之子獨歸丹雨
色寒侵袂笳聲晚倚樓白雲五千里不敢苦相留

聞君計游粵北望卽長安明月一相憶西風何處寒詩
心黃葉路客夢白蘋灘倘過梅花嶺南枝寄驛官

石芝聯句

雲英出崕巉窈窕夜氣碧何年千巖中孕此一片石

榮光

鬱鬱發玉頰垂垂凍乳液流泉細齧根伏芝暗通脉

鄭應

翰輪菌逸態生詭異塵凡隔瑩然墜露明粲若截肪白

溫汝

光凝冰在壺黑蝕月含魄縱橫僅如掌朗潤可方

壁

溫汝遵

嵌青霜骨寒溜綠雨痕積宛宛鳳腦騫疑疑牛

角

榮光

雪浪疊層波雲峯切雙翮連理信有徵參成

乃無迹

應翰

物象涵渾淪晶光互衝射流汞半沖融點

黛增婉孌

汝遵

並聳峩峩巒嶺中分巨靈擘玲瓏劖巖岫

欹側狀冠幘

汝遵

顧此邱壑姿蔚彼菁華關直以土爲

膏而郁氣之核

榮光

採訝商皓遺袖逢米老癖華陽旣

搜奇仇池仍詫客

應翰

烟霞生戶牖靈秀羅几席時尊

枹朴書恍躡謝公屐

汝遵

九光徵典故三秀考圖籍博

物愛紀遠志怪輒引僻

汝遵

向陽溯東瀛浮月拾荒磧

嘉名青蓋寓上藥丹經釋

榮光

味腴定堪煮采耀疑可

摘翠暈小團窠紫燄高徑尺

應翰

洞天在人世野服懷

山澤甯愁石髓堅勿慮仙壺窄

汝适

提攜事遠游服食

探幽蹟相期雙鬢青共話丹砂滌

汝遵

賜緞恭紀二首

乙丑正月

青瑣寒迴旭正東內官宣

賚五雲中香分錦勝栽花巧春入雕盤賜彩同拜手可
思爲服稱章身甯僅被

恩融

聖心俾念勞民力二月機絲此女紅

高捧天香兩袖盈歸鞍先有煦風迎霞蒸露浣皆春色
鳳翥鸞翔愧頌聲五緘勉期臣節素一絲總荷

主恩成他時粲晏朝班上煖到冰銜特地清

松柏遐齡圖聯句

墨緣無古今所樂在良友

張船山問陶

春筵同讀畫發興藉

詩酒

伊墨卿秉綬

灑落見高情淋漓皆妙手

溫箕坡汝适

樓松映

綺柏交倚勢蚴蟉

鄭季遙應翰

秀添老樹橫奇增怪石陡

葉雲

谷夢

竹小風力勁芝香歲華久

溫竹堂汝遵

遠岫氣欲蒸平

沙界如畝

伍東
梧良

幽亭露巖罅薰風拂林藪

荷屋

有境必

心造其人自眉壽

船山

苔岑各標識一一紀誰某

墨卿

放筆爲直幹尊古名不朽

箕坡

合作緬黃王奇踪信非

偶

季遙

趙沈繼丹思成以麓臺交

雲谷

當時集羣彥揮

灑露臂肘

竹堂

後先合衆美氣象羅萬有

東梧

妙墨烟

過眼往事星度留

荷屋

彈指閱四朝臨觴重回首

船山

英靈一時會磊落百年後

墨卿

勁挺傲歲寒鬱律蛟蛇

走

箕坡

古香襲籤軸遐齡兆耆耆

季遙

柯葉洵不改千

村又花柳

雲谷

披圖共觀玩珍重逾瓊玖

竹堂

賞奇有

石雲山人詩集卷五止

東梧

檢韻肯重來卜夜剪春韭

荷屋



同懷弟彌光樸園編輯

子尚忠春卿

尙志任卿校字

石雲山人詩集卷五止